

K29-51

中國方志叢書·華北地方·第五六一號

據

清乾隆四十四年刊本
清鍾庚起纂修

影印

甘肅省

甘州府志

(六)

成文出版社有限公司印行

中華民國六十五年 月壹一版

甘州府志

全六冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

甘肅通志卷十五

藝文下

詩鈔

詩與政通者也乃周秦同壤始為關雎葛覃後為車
鄰駟鐵轉移果何自耶古今樂府備採無幾而郭茂
倩獨取燉煌樂涼州妓八聲甘州更編曲譜匈奴歌
曰亡我祁連山使我六畜不蕃息及我馬支山使我
婦女無顏色音韻鏗然自成天籟矣漢蘇李皆於微
外鳴者也三唐出塞諸曲半指居延匪有確按未敢

概登郡人惟趙平章尚傳近體其他邈焉

國朝文治光華四訖無外鴻章麗句美不勝收並用搜輯
擇尤雅者著於篇

燕支行

唐
王維

漢家大將才且雄時來謁帝明光宮萬乘親推雙闕
下千官出餞五陵東誓開甲第金門裏身作長城玉
塞中衛霍纔堪一騎將朝廷不數貳師功趙魏韓燕
多勁卒關西俠少何咆勃報仇只是聞嘗膽飲酒不
曾妨刮骨畫戟彫戈白日寒連旗大旆黃塵沒叠鼓

遙翻瀚海波鳴笳亂動天山月麒麟錦帶佩吳鉤
沓青驪躍紫駟拔劍已斷天驕臂歸鞍共飲月支頭
漢兵大呼一當百虜騎相看哭且愁教戰須令赴湯
火終知上將先伐謀

出塞作

王維

居延城外獵天驕白草連天野火燒暮雲空磧時驅
馬秋日平原好射雕護羌校尉朝乘障破虜將軍夜
度遼玉靶角弓珠勒騎漢家將賜霍嫖姚

送韋評事

王維

欲逐將軍取右賢沙場走馬向居延遙知漢使蕭關

外愁見孤城落日邊

贈蘇綰書記

唐杜審言

知君書記本翩翩為許從戎赴朔邊紅粉樓中應計

日燕支山下莫經年

度破口山贈喬補闕知之王二無競

陳子昂

破口大漠南橫絕界中國叢石何糾紛赤山復翕翹

遠望多衆容逼之無異色崔嵬乍孤斷遙迤屢迴首

信開胡馬衝亦距漠邊塞豈依山河險將順修明德
物壯誠有衰勢雄良易極邇迫忽而盡波濤乎不息
之子黃金軀如何此荒域雲臺盛多士待君丹墀側

留花門

唐杜甫

北門天驕子飽肉氣勇決高秋馬肥健挾矢射漢月
自古以為患詩人厭薄伐修德使其來羈縻固不絕
胡為頻國至出入暗金闕中原有驅除隱忍用此物
公主歌黃鵠君王指白日連雲屯左輔百里見積雪
長戟鳥休飛哀笳曉幽咽田家最恐懼麥倒桑枝折

沙苑臨清渭，泉香草豐潔。渡河不用船，千騎常撇烈。
胡塵踰太行，襍種抵京室。花門既須留，原野轉蕭瑟。

居延海

唐
胡曾

漠漠平沙際碧天，問人云此是居延。停驂一顧猶魂
斷，蘇武爭禁十九年。

人日侍讌大明宮應制

唐
郡人 趙彥昭

寶契無為屬聖人，凋興出幸玩芳辰。平樓半入南山
霧，飛閣旁臨東墅春。火路穠花千樹發，垂軒弱柳萬
條新。處處風光今日好，年年願奉屬車塵。

奉和幸安樂公主山莊應制

趙彥昭

六龍齊軫御朝曦
雙鶴維舟下綠池
飛觀仰看雲外
聳浮橋直見海中移
靈泉巧鑿天孫渚
孝筍能抽帝女枝
幸願一生同草木
年年歲歲樂於斯

奉和初春幸太平公主南庄應制

趙彥昭

主第巖扃駕鵲橋
天門閶闔降鸞輶
歷亂旌旗轉雲
樹參差臺榭入烟霄
林間花雜平陽舞
谷裡鶯和弄玉簫
已陪泌水追歡日
行奉茅山訪道朝

登張掖甘泉樓

明 李本緯

乍別酒泉郡來登張掖樓
闌雲傍檻入塞水背城流
月涌陂塘暮寒生草樹秋
荒高聽不盡羌管數聲愁

送黎樂溪轉甘肅太僕

明 楊 魏

白嶺千山外黃河萬國西
塞雲秋渺渺沙草日淒淒
遠地愁離別邊城尚鼓鼙
昔賢名未泯勛業爾能齊

楸子樹

明 郭 登

窗前新栽楸子樹去歲移自東
君家根深土厚重真
致輓以兩健載一車方經旬日
即倍蓰秋深結子如

丹砂人言此特餘氣耳來歲未必能芬葩我初聞之
稍驚怪重以土俗相傳誇今年春風已撩亂千株萬
卉已萌芽南山青翠遠可見獨有此樹猶枯朽我徵
前言苦不樂行憐坐惜恒咨嗟連朝病困閉門卧夢
寐猶憶花如何今晨勿藥强起坐眊焉兩瞳如隔紗
推窗一見笑絕倒蔥蔥滿樹開成霞冰綃素錦誰剪
刻小紅輕翠相交加日光照耀春欲醉翩翩蜂蝶爭
紛拏賓朋來觀繞百匝共疑造化理則那花枝爛熳
色更好詖辭輕易可信耶豈非陽春有深意憐我老

九
月
三
日
三
惠來天涯浮生過半身計拙有足不及蛇憐蛇故教
相伴慰岑寂豈敢與物爭豪奢六年羈鰥入僧定但
未落髮披袈裟青裙小鬟別來久淚眼垢賦首不珣
已聞桂蠹化蝴蝶忍聽鷓鴣呼琵琶花雖可愛不忍
折無人揮向兩鬢子銷簾靜坐獨清賞天明起看到
日斜知音未遇寡歡趣有酒不飲惟烹茶前年官司
催入貢六千里路豈不遐移根天苑比瓊樹有用未
必過桑麻物生遭遇即珍貴便應壓盡諸般花我慚
不如花命好謫官五載辭金華住迥邊城氣蕭索旦

暮慙慙聞蘆笳自憐淺薄不足忌群兒何以喙競呀
方圓鑿枘苦難入冠非鴈角強觸斜古人明哲有深
戒省愆痛欲掩戶搗窮荒雖覺隻眼淨聒耳厭聽公
私蛙再歌南風終不競天驕吹脣魯婦髻羗兒雜還
近邊鄙意態詭異聲踴譁陰霧接旬不成澤嗟嗟恒
欲噬我豸麒麟獅子遠將至爾曹慎勿相邀遮駟騎
東來賊山倒黃口學語聲啞啞群公羅拜但垂手踐
踏不啻蟲與鰕人外馬死金滿篋一擲何足挂齒牙
我雖無位百憂集終夜感嘆心如瘡廿年蹤跡半天

下把鏡自照兩鬢鬚老懷食蔗如食蠟豈但無味仍
 饒渣行路難行古如此道多豺狼水鱖魴紛紛兒女
 競聲利左蠶右觸方爭蝸金雞何日解羈去一竿歸
 釣興江槎箕山潁水跡長往漁簑樵擔肩相摩閒看
 得意鼠如虎怕說病聰蟻聞庠黃雞紫蠟且慰意背
 癢正得麻姑爬羞將口腹累州里未能不食如匏瓜
 猶勝夷齊待微蕨園收芋栗魚黎植老農追隨種禾
 黍耦耕林下時燒畬心淳語直意真率肝胆相照無
 疵瑕瑤臺璇室豈不好嚼嚙較此猶爭些囊中黃金

尚餘幾壺乾酒盡還當餘顏然一醉玉山倒世間萬
事皆由他

甘州即事

郭登

黑河如帶向西來河上邊城自漢開山近四時常見
雪地寒終歲不聞雷牦牛互市番氓出宛馬臨關漢
使回東望玉京將萬里雲霄何處是蓬萊

龍首潭

郭登

乘閑從步謁靈秋霧靄騰空爽氣浮地下有功除旱
魃人間無術起蒼蚪光涵瑤海三山曉冷浸玻璃一

鏡秋願作天瓢敷塞北遐邊隴畝慶全收

祁連雪山

郭登

祁連高聳勢名堯積素凝花尚未消色映吳鹽迷曉
騎晴融謝絮引晨樵尋梅臘外寒威歛刻玉霄邊逸
興飄幾度豪來詩句險恍疑策蹇灞陵橋

甘州歌

郭登

甘州城西河水流甘州城北胡雲愁玉關人老貂裘
敝苦憶平生馬少游

甘州送蒙翁歸朝

郭登

青海四年羈旅客白頭雙淚倚門親
莫道得歸心便了天涯多少未歸人

口號寄涇州宰李宏

郭登

渡了黃河又黑河春風秋月五年過
涇陽太守如相問更比來時白髮多

題柳塘迴文詩

真人張宗

橋邊院對柳塘灣夜月明時伴戶閑
遙駕鶴來歸洞晚靜琴彈坐片雲
關燒丹覓火無空竈採藥尋仙有
好山瓢掛樹高人隱久置塵絕水響潺潺